
3 TË DHËNAT PËR KOLEKSIONET E BIBLIOTEKËS

Moduli i programit COBISS3/Koleksionet e bibliotekës përfshihet në procesin e katalogimit të përbashkët përmes përpunimit të të dhënave për gjendjen e koleksioneve të bibliotekës. Struktura e të dhënave është e përcaktuar përmes formatit COMARC/H, i cili i përcakton:

- të dhënat përmbledhëse për gjendjen e koleksioneve të bibliotekës, të cilat janë të përfshira në bazën e përbashkët të të dhënave bibliografike dhe në bazat lokale të të dhënave dhe mundësojnë funksionimin online të katalogut, si dhe funksionimin e koordinimit e pasurimit të serialeve të huaja;
- të dhënat e hollësishme për gjendjen e koleksioneve të bibliotekës, të cilat janë vetëm në bazën lokale të të dhënave bibliografike dhe mundësojnë automatizimin e procesit të inventarizimit dhe huazimit të materialit, të pasurimit të monografive dhe kontrollin e ardhjes së serialeve si dhe automatizimin e procedurave tjera të brendshme.

Gjatë përdorimit të modulit të programit COBISS3/Koleksionet e bibliotekës, bëhet krijimi dhe përditësimi i të dhënave për koleksionet v bibliotekës në COBISS3, ndërsa vetë të dhënat për koleksioneve të bibliotekës janë të disponueshme në mjedisin COBISS2.

Sipas formatit COMARC/H, për regjistrimin e të dhënave për gjendjen e koleksioneve të bibliotekës përdoren këto:

- fusha 998 – të dhënat përmbledhëse për gjendjen e koleksioneve të bibliotekës,
- fusha 996 – të dhënat për gjendjen e koleksioneve të bibliotekës monografi,
- fusha 997 – të dhënat për gjendjen e koleksioneve të bibliotekës seriale.

Për një pasqyrë e të dhënave për gjendjen e koleksioneve të bibliotekës, në COBISS3 janë përgatitur katër klasa, të cilat janë të lidhura me të dhënat bibliografike nga klasa **Materiali**:

- klasa **Fusha 998** për regjistrimin e të dhënave përmbledhëse për

koleksionet e bibliotekës seriale,

- klasa **Fusha 998 – koordinimi** për koordinimin e pasurimit të serialeve të huaja,
- klasa **Fusha 996/997** – për regjistrimin e të dhënave të hollësishme për koleksionet e bibliotekës monografi dhe seriale,
- klasa **Fusha 996/997 – të dhëna për pasurimin** për të dhënat të cilat janë të lidhura me pasurimin.

Struktura e të dhënave për koleksionet e bibliotekës në bazën lokale të të dhënave në mjedisin COBISS2 mbetet e pandryshuar. Ndryshime janë bërë në organizimin e të dhënave në COBISS3, ku të dhënat e pasurimit janë të ndara nga të gjitha të dhënat e tjera. Të dhënat e pasurimit, të cilat janë krijuar gjatë procesit të pasurimit në modulet COBISS3/Pasurimi dhe COBISS3/Serialet, janë të përbashkëta për të gjitha kopjet e lidhura me njësinë e veçantë në një dokument të pasurimit

Fusha 998 është ndarë në të dhëna përmbledhëse për koleksionet e bibliotekës dhe në të dhëna që kanë të bëjnë me koordinimin e pasurimit.

Në COBISS3 janë shtuar disa të dhëna, të cilat për shkak të ruajtjes së strukturës, nuk transferohen në bazën lokale të të dhënave në COBISS2.

- Në klasën **Fusha 998**:
 - periudha e ruajtjes (numri i paraparë i muajve për ruajtjen e vitit të serialeve për bibliotekën si tërësi ose për departamente të veçanta),
 - çregjistrimi i pjesshëm i botimeve (numri i vëllimeve që ruhet në një departament të veçantë).
- Për koordinimin e pasurimit:
 - tarifa tatimore,
 - shkalla e zbritjes,
 - shënimi për çmimin.
- Në klasën **Fusha 996/997**:
 - emri i numërorit për numrat në vazhdim në numrin e vendit,
 - emri i numërorit për numrat e inventarit,
 - emri i numërorit të numrave të huazimit,
 - data e çregjistrimit të vitit të serialit, e cila përcaktohet në mënyrë automatike në procesin e inventarizimit gjatë përcaktimit të numrit të inventarit përmes numërorit, kjo duke u bazuar në datën e inventarizimit dhe të dhënës për periudhën e ruajtjes në fushën 998.

Nëse i përdorni modulet COBISS3/Pasurimi dhe COBISS3/Serialet, fushat 996/997 krijohen gjatë procesit të pasurimit. Fushat 996/997 mund t'i shtoni edhe në mënyrë manuale, që do të thotë mund të përdorni modulën e programit COBISS3/Koleksionet e bibliotekës pa pasur nevojë të përdorni, ose të përdorni vetëm pjesërisht modulet COBISS3/Pasurimi dhe COBISS3/Serialet.

Fusha 998 për botimet monografike dhe seriale krijohet në mënyrë automatike. Të dhënat pastaj do t'i plotësoni në mënyrë manuale.

Mund të ndodhë që të dhënat për koleksionet e bibliotekës që i keni futur në mjedisin COBISS3, nuk transferohen menjëherë edhe në bazën lokale të të dhënave në mjedisin COBISS2. Të dhënat nuk do të futen në këto raste:

- për shkak të problemeve në komunikim,
- nëse gjatë mirëmbajtjes së të dhënave për koleksionet e bibliotekës në COBISS2 gjatësia maksimale e regjistrimit është tejkaluar, prandaj regjistrimi lokal shtesë duhet të krijohet në mënyrë që të transferohet në të pjesa e të dhënave për koleksionet e bibliotekës,
- nëse regjistrimi në COBISS2 është i mbyllur, sepse dikush tjetër është duke përditësuar në atë moment,
- nëse COBISS.XX-ID nuk ekziston.

Në rastet e lartshënuara do të shfaqet porosia përkatës. Të dhëna të papërditësuara për koleksionet e bibliotekës do të tentojnë të futen në mënyrë automatike në COBISS2 herën tjetër të parë të futjes së të dhënave për koleksionet e bibliotekës, megjithëse këtë mund të bëni edhe në mënyrë manuale përmes një metode speciale.